

Lasa: «Euskararen hegoak moztu nahi dituzte»


Nafarroako AEK-ko arduradunak gertatzen diren bidegabekeriak salatu zituen

Irene Arrizurieta / Iruñea

Iñaki Lasa Nafarroako AEK-ko arduradunak euskararen ofizialtasuna aldarrikatu zuen herrialdean zein Iparraldean, eta euskaraz bizi nahi dutenei ezartzen zaizkien trabak gogoratu zituen. Agintariek euskararen hegoak moztu nahi dituztela zioen, bere hegaldiaren beldur direlako.

IRUÑEKO Gaztelu Plaza mukuru bete zegoen. Korrikari hasiera eman baino lehen, Iñaki Lasak, Nafarroako AEK-ko arduradunak, euskararen alde herrialdean zein Iparraldean lan egiten duten hainbat talde gogoratu zituen. 2000. urtearen atarian, oraindik ere, euskara bertako hizkuntza bada ere, «oztopoz beteriko bidean» sartu dutela salatu zuen Lasak.

Lasak aurten Foru Erkidegoan euskarak aurrera egiteko ahaleginean izandako hainbat traba gogoratu zituen: Ermitagañako Jose Maria Iribarren D ereduko haurren egoera; Euskalerrria Irratia emititzeko lizentzia baimenik gabe utzi izana hamaika urtez lanean bada-bil ere, eta euskalduntze-alfabetatze lanean aritzen direnei ere jartzen dizkieten trabak, besteak beste. AEK-



Iñaki Lasa, AEK-ko Nafarroako arduraduna, Gaztelu Plazan Korrika abiatu aurretik. Atzean, Xabier Irazusta.

ko arduradunaren iduriko, arazook ez dira kasualitatea. Bere ustez, «euskararen hegoak moztu nahi dituzte bere hegaldiaren beldur direlako».

Ofizialtasuna guztion ahotan

Lasaren aburuz, euskarak bizi duen egoerari aurre egiteko modu bakarra «ofizialtasuna» aldarrikatzea da. «Nafarroako herritar euskal-

dunok eskubidea dugu gure hizkuntza erabiltzeko, Nafarroako edozein lekutan bizi bagara ere. Nafarroan eta Iparraldean gaztelaniaz eta frantsesez bizitzeko aukera egin dutenek dituzten esku-bide berberak nahi ditugu», zioen. Zazpi herrialdeetan hizkuntzaren ofizialtasuna lortuta ere, euskararen normalizazioa oraindik urrun legokeela esan zuen. Halere, aurrera egiteko «beharrezko pausoa» dela uste du Lasak.

Ofizialtasuna lortzeko bi bide aipatu zituen AEK-ko kideak. Batetik, Nafarroan eta Iparraldean erabiltzen diren bi hizkuntzak orekaz eta harmoniaz bizi daitezten oinarria jarriko duen «alternatiba» lortzea, gaur egungo Euskararen Lege murriztazalea gainditu ahal izateko. Bestetik, Korrikako lehen egunera Gazteluko Plazara joandako bi mila euskaltzale baino gehiagori egin beharreko lana gogoratu zien.

«Nor zarete zuek?»

Galdera hori egin zieten atzo polizia nazionalak Iruñean Korrikari esku hartzeko irrikiz zebiltzan hainbat laguni. Iruñeko peñetako kideek zein Senideak elkarteko ordezkariak, Korrika 99ko kilometro bana erositako zutenez, Korrika noiz iritsiko zain eman zuten atzo goiza. Poliziek lasterketa alaiari itxura susmagarria hartu zioten, ordea. Horregatik, «nor zarete zuek?» galdetu zieten, eta nortasun agiria eskatu zieten.

Mikrofonotik solasean, eta arnasetuka

Arrunt bitxia zen atzo goizean Iruñerrian Euskalerrria Irratia entzutea. Korrikari lasterka ibiltzea eta mikrofonotik hitz egitea, bi gauza horiek batera egitea, zilegi dela baieztatu zuten. Bitxia zen, hala ere, beraien jarduna une batzuetan, batera nahasten baitziren hitzak eta arnasetuak. Bizitasun handia eman zioten goizari.

41 kilometro gupil aukian

Indar betez hartu zuen atzo esku Xanti Begiristain euskaltzaleak Korrika 99an. Oinez ibili ezin eta aulki gupildunean ibili beharrik ez zuen kikildu. 41 kilometroko marka jarri zion bere buruari.


Josema Leitza • OINARRIAK PLATAFORMAKO KIDEA •

«Euskararen gaitz guztien oinarria da ofizialtasun eza»

JOSEMA LEITZA bertsolari arbizuarrak badu zer kontatu biharko Nafarroako Bertsolari Txapelketaren finalean. Atzo Korrika 11ren lekuko eraman zuen lehen kilometroan.

Ofizialtasuna da euskarak behar duena?

Nafarroan ezinbesteko kontua da euskarak aurrera egingo badu. Nafarroa osoan euskarari aitortu behar zaio bertako hizkuntza dela eta gainerako hizkuntzak bezala arlo guztietan garatzeko aukera duela. Une honetan hori ez da betetzen, eta hori izango litzateke gaurko



mezurik garrantzitsuena. Ofizialtasuna lortzea da gure helburu nagusia. Eta egiteko horretan euskaldun guztiok parte hartu behar dugu, aurrera begira alternatibak eskainiz.

Horregatik eskaini zion AEK-k lehen kilometroa Oinarriak-i?

Eskerrak eman behar dizkiogu AEKri aukera hau emateagatik. Orain gaitz guztien oinarria euskararen ofizialtasun eza da, AEK-k hori inork baino hobeki daki, eta bera izan da ofizialtasunaren aldarrikapenari aukera hau eskaini diona.

Hillidea

LAPURDI	Donibane Lohizune	07:54	N.B.	Carruza	19:14
	Celtari	08:18		Donapaleu	19:33
	Elizarte	08:30		Maulu	22:35
	Abaña	08:00		Larabale	00:50
	Marrizte	08:42		Donibane Gamzi	02:29
	Angelu	10:21		Arregi	03:17
	Baiona	11:39		Luzate	03:35
	Hiriburu	12:24		Itaneta	05:05
	Milafunga	12:57		Aurte	05:20
	Uhartite	13:20		Garmakla	06:15
	Karbo	14:34		Arbe	06:34
Hazparne	15:46	Carrika	06:48		
			Abaurregina	07:34	